



## JKP "ZENICATRANS-PREVOZ PUTNIKA" d.d. ZENICA ODBOR ZA REVIZIJU

---

Na osnovu člana 28. tačka b) Zakona o javnim preduzećima u Federaciji Bosne i Hercegovine ("Sl. novine Federacije BiH", broj 8/05, 81/08, 22/09 i 109/12), člana 8. Zakona o ministarskim, vladinim i drugim imenovanjima Federacije BiH ("Sl. novine Federacije BiH", broj 12/03, 34/03, 65/13) i Odluke Odbora za reviziju JKP „Zenicatrans prevoz putnika“ d.d. Zenica broj: 1-3/18 od 22.01.2018. godine, raspisuje se

### JAVNI KONKURS ZA IZBOR I IMENOVANJE DIREKTORA ODJELA ZA INTERNU REVIZIJU JKP "ZENICATRANS PREVOZ PUTNIKA" D.D. ZENICA

#### I

Objavljuje se Javni konkurs za izbor i imenovanje direktora Odjela za internu reviziju JKP „Zenicatrans prevoz putnika“ d.d. Zenica.

#### II

Izbor i imenovanje direktora Odjela za internu reviziju JKP „Zenicatrans prevoz putnika“ d.d. Zenica izvršit će Odbor za reviziju JKP „Zenicatrans prevoz putnika“ d.d. Zenica.

Imenovanje se vrši na period od 4 (četiri) godine.

Dužnosti direktora Odjela za internu reviziju utvrđene su članovima 30. do 33. Zakona o javnim preduzećima u Federaciji BiH i Statutom Preduzeća.

Naknada i druga prava direktora Odjela za internu reviziju utvrđuju se ugovorom, a u skladu sa Odlukom Skupštine i Odbora za reviziju JKP „Zenicatrans prevoz putnika“ d.d. Zenica.

#### III

Kandidat koji se prijavi za direktora Odjela za internu reviziju JKP „Zenicatrans prevoz putnika“ d.d. Zenica mora ispunjavati sljedeće opće i posebne uslove:

##### 1. Opći uslovi:

- a) da je državljanin BiH i da ima prebivalište u BiH (dokaz: uvjerenje o državljanstvu, original ili ovjerena kopija i CIPS-ova prijava prebivališta),
- b) da je stariji od 18 godina (dokaz: ovjerena kopija lične karte),
- c) da nije otpušten iz državne službe kao rezultat disciplinske mjere na bilo kojem nivou u BiH u periodu od 3 (tri) godine prije objavljivanja upražnjene pozicije (dokaz: potpisana izjava ovjerena od nadležnog organa),
- d) da se na njega ne odnosi član IX. 1. Ustava BiH (dokaz: potpisana izjava ovjerena od nadležnog organa),
- e) da se protiv kandidata ne vodi krivični postupak, odnosno da nije osuđivan za krivično djelo i privredni prijestup-prekršaj nespojiv sa dužnošću direktora Odjela za internu reviziju 5 (pet) godina od dana pravosnažnosti presude isključujući vrijeme zatvorske kazne (dokaz pribavlja JKP „Zenicatrans prevoz putnika“ d.d. Zenica ili prijavljeni kandidat),
- f) da nije lice kojem je presudom suda zabranjeno obavljanje dužnosti u nadležnosti Odjela za internu reviziju (potpisana izjava ovjerena od nadležnog organa),
- g) da nije izabrani zvaničnik, nosilac izvršnih funkcija ili savjetnik izabranim nosiocima izvršnih funkcija u smislu Zakona o sukobu interesa u institucijama vlasti FBiH (dokaz: potpisana izjava ovjerena od nadležnog organa),

- h) da nije na funkciji u političkoj stranci (dokaz: potpisana izjava ovjerena od nadležnog organa),
- i) da nije član Odbora za reviziju, Nadzornog odbora ili Uprave, zaposlen u Preduzeću niti da ima direktni ili indirektni finansijski interes u Preduzeću (dokaz: potpisana izjava ovjerena od nadležnog organa),
- j) da sa članovima Odbora za reviziju, Nadzornog odbora i Uprave Preduzeća nije u krvnom srodstvu u pravoj liniji, niti u pobočnoj liniji ili srodstvu po tzbini zaključno sa trećim stepenom (dokaz: potpisana izjava ovjerena od nadležnog organa),

## **2. Posebni uslovi:**

- a) da ima završenu visoku stručnu spremu ekonomskog smjera-najmanje 240 ECTS bodova, (dokaz: ovjerena fotokopija diplome),
- b) da posjeduje certifikat ovlaštenog revizora sa validnom licencom (dokaz: ovjerena fotokopija certifikata ovlaštenog revizora sa važećom licencom Federalnog ministarstva finansija),
- c) da ima najmanje 5 (pet) godine radnog iskustva na poslovima računovodstva i revizije (dokaz: potvrda, uvjerenje o radnom iskustvu).

## **IV**

Prilikom procjene kvalifikacije i iskustava svih kandidata uzet će se u obzir i sljedeće:

- sposobnost prepoznavanja, zastupanja i zaštite interesa preduzeća,
- sposobnost za odgovorno obavljanje dužnosti direktora Odjela za internu reviziju,
- stručne i iskustvene sposobnosti za razumijevanje poslovnih izvještaja, te poznavanje zakona i propisa iz oblasti finansija, računovodstva i revizije,
- organizacijske sposobnosti, prilagodljivost timskom radu i sposobnost za savjesno i odgovorno vršenje dužnosti,
- sposobnost odlučnog i nepristrasnog donošenja odluka, upravljanja finansijama i ljudskim resursima,
- rezultati ostvareni tokom prethodnog radnog angažmana i preporuka poslodavca.

## **V**

Podnosioci prijave sa kojima se ne stupi u kontakt u roku od 10 (deset) dana od isteka roka za podnošenje prijave neće biti uzeti u razmatranje u daljem procesu izbora i imenovanja.

Javni konkurs za podnošenje prijava ostaje otvoren 15 (petnaest) dana od dana zadnjeg objavljivanja u Dnevnom listu Dnevni avaz ili Službenim novinama Federacije BiH.

Prijave kandidata treba da sadrže biografiju, adresu i kontakt telefon.

Prijave sa svim traženim dokumentima treba dostaviti lično ili preporučeno poštom, na adresu JKP „Zenicatrans prevoz putnika“ d.d. Zenica, ul. Bulevar Kralja Tvrtka I broj: 34, 72 000 Zenica, sa naznakom:

“Prijava na javni konkurs za izbor i imenovanje direktora Odjela za internu reviziju-  
NE OTVARATI”.

Neblagovremene i nepotpune prijave neće se uzeti u razmatranje.